

古今

摺

集

存

世

戶部謹 奏爲遵

旨議奏恭摺仰祈

聖鑒事據

廣西巡撫林紹年奏爲桂事艱窘異常善後必需鉅款謹  
籌辦法一摺光緒三十二年七月十一日奉

陳批戶

部議奏欽此欽遵由軍機處抄交到部查原奏內稱廣西  
難治自古已然上溯百餘年間用兵已十餘次所謂平定  
始皆粗安非久靖也可危可慮究未如今日之甚者元氣  
過傷餘孽遍地人才消乏財政困難輾轉相因幾成莫可  
救藥之勢何則地險而貧俗悍且惰今則貧而又貧悍而  
愈悍匪亂以來焚劫無算荒蕪無算加以兵差所累閭閻費  
難停水旱不時統稅增重工商則資本耗虧每歇業而坐  
食農民則籽種缺乏亦游手而輟耕他省之匪不過壯健

茲乃老穉亦然不過丁男茲乃婦女皆是不過游惰茲乃  
紳團不免所以肅清已逾半年州縣尙馳逐四鄉莫能稍  
息數年以來殺匪又千餘矣小如魚艇快如輪船亦或刦  
奪且有一案盜至百餘名者乘間卽發之形當不待問尤  
可異者派員清鄉莫保善良乃知民力如許拮据既半耗  
於被匪又半耗於防匪槍械如此繁夥民用之固可以禦  
匪匪得之卽可以害民可爲危慮孰過於此論善後要首  
在得人親民之官莫如州縣然州縣精力只有此數急捕  
匪他顧不遑圖興舉又費先無出向之所藉以辦公者今  
則賭規盡革稅契無餘維款旣移以辦學優缺亦皆以勻  
提且因緝匪而賠夫馬增費用養賑緩貼花紅種種苦累

輒有用人之難如此歷年因饑匪之故其提之官者已研  
糠及米其取之商者更竭澤而漁出入本屬不敷而去冬  
起每月又加認東軍十餘萬之餉本年之膏捐統稅又復  
異常短收雖以籌議裁營而體察情形非軍兵不足以資  
鉅攝且無可消納卽萬難驟爲多裁不然部臣且代虞不  
給豈有困難至此而不自急燃眉乎財政之難又如此辦  
理之法似宜先慎選良吏招集流亡在官則寬以文法俾  
展所長嚴其考成以責其效而且優予津貼俾無紛心酌  
予經費使有藉手庶人各盡力吏治乃有起色之時在民  
則勸教興學以端其原墾荒畜牧以裕其食酌減稅則以  
暢商途廣設工場以興諸藝庶生計漸紓民俗乃有向化



之日再能開鑄造路則消納愈衆成效愈彰但爲費過鉅  
且無把握目前尙未易輕言若以上諸端則固萬難且緩  
而需款已繁 懇 天恩俯准飭部凡廣四應解諸款

概予另撥並將梧州等關收存聽候部撥之款盡數截留  
凡本省外省官紳商民認辦鑄產者不拘部章寬減照費  
及出井出口各稅以廣招徠而杜窺伺更懇 飭下部

臣土膏統稅大臣每年照上年所收之數如額撥足以上  
均以三年爲限 臣再與督臣於本省鹽務籌撥辦法認真  
整頓冀每年可共得百萬專作善後之用否則轉瞬又復  
糜爛徒費從前各省協濟之力督臣勘定之功重貽

朝廷南顧之憂其所費必不止數倍於此 臣博訪周諮審

之概確不敢不據實直陳等語臣等伏查庫款支絀中外  
皆然故臣部於各省奏請改撥截留之款不敢稍事通融  
以蘄各爲其難無所左右今據廣西撫臣臚陳該省艱窘  
情形愷切周摯並請改撥截留各款及一切籌款辦法雖  
係爲地方起見然各款胥關要需彼盈此絀寔有難行之  
處惟廣西古稱難治偶有蠢動費輒不貲若不預爲設籌  
誠恐如該撫所云轉瞬又復糜爛其所費必不止數倍於  
此臣等公同商酌擬就該撫所請各項竭力勻湊用濟燃  
眉各省不得漫相援引查廣西應解諸款歲約五十餘萬  
兩以新案賠欸爲大宗此等款項萬難改撥自該省軍事  
喫緊臣部曾分別准其緩解數月在案今據該撫屢深慮

遠思爲一勞永逸之計臣部尤不得不力顧大局擬請將該省歲解賠款三十萬兩自奉到部文之日起暫行緩解一年由江海關道設法墊支俟一年期滿仍行照解此外相需各款爲數無多均令勉力應付其梧州等關收存候撥之款約十萬兩內外請卽照數准其截留至該省土藥統稅一項前經兩廣總督臣奏准合辦二年截至本年十月期滿所有應辦期內自應照案辦理至期滿後如何撥給之處曾經督辦統稅臣柯興臣等往復函商尙未議定茲據原奏聲稱本年統稅異常短收請每年照上年收數如額撥足等因查該省上年收數七十餘萬其本年如何短收未據報明無從懸擬所請照上年收數撥足之處碍

難辦理惟按統稅章程各省撥款率以三十年收數爲憑  
查廣西三十年分統稅收數約六十萬之譜今擬自該省  
合辦期滿後仿照各省按三十年收數歲撥銀六十萬兩  
仍照章每百斤撥給銀百兩逾額不撥不及遞減以上兩  
項原奏均請以三年爲限惟關稅等項自應奉到部文起  
限土藥統稅應自合辦期滿起限均請准其扣足三年藉  
資挹注至該省鹽務應如所奏卽令認真整頓迅擬切實  
辦法報部查核鑛產照費等項咨擬商部覆稱奏定鑛產  
第三十四條內開鑛產出口關稅仍照關稅章程徵收納  
此稅後其內地釐卡概不重徵各等語嗣因各省所收鑛  
稅未盡遵照部章往往於出井出口兩項外藉詞加徵復



經商部奏一律按照部章以恤商艱而昭定制奏准通行  
遵照在案是已定稅則實與各省向來抽收稅捐已較輕  
減如果遵章辦理似已無慮煩苛且各省所收釐稅多係  
就地開支並不存儲解部當亦無碍籌款至照費一節部  
章凡請領探鑛執照每紙繳費五十兩開鑛執照所領鑛  
地在十方里以內繳費一百兩多一方里加費十兩嗣因  
各省居民所辦柴煤小鑛多係小本經營若概令照章繳  
費似不足以示體恤復經變通辦法凡柴煤小鑛占地不  
及一方里者探鑛開鑛各照費均減交一半亦經行知各  
省查照在案是照費已經酌量核減各省已均照辦桂省  
未便再議寬減等因應令該撫查照辦理至以上各款均

係竭力騰挪冀以免支危局誠以時事艱難臣部斷不敢坐視疆臣之急迫在疆臣當亦諒臣之苦心所有遵議緣由理合恭摺具陳伏乞

皇太后

皇上聖鑒謹

奏光緒三十二年八月初三日具奏奉

旨依議欽此

戶部片

奏再正繕摺間准署兩廣總督臣岑春煊廣西

巡撫臣林紹年電稱本年入夏以來柳慶二屬淫雨爲災

米價騰貴六月以後太平鎮安南寧等處又苦亢旱晚稻

無收雖經官商合資購米平糶不能遍給當此民情惶急

深恐餘匪散兵勾結爲患亟宜多籌鉅款分路賑慰以定

民心查廣西每年應還洋款五十餘萬兩桂係受協省分

償款本無可籌現在善後賑濟待用甚迫滙關積存各省

解款尙有一千四百餘萬目下鎊價日跌一時無虞缺乏仰懇准將廣西應解洋款先暫停解一年撥作賑荒善後動用紹年因災情頗重事機迫切無款可挪已於洋款項下撥銀十萬兩購米賑濟並由春煊于廣東應解洋款內撥銀二十萬兩辦理急賑藉以保災黎而定人心冒昧之咎應請

飭部嚴議實因往返疊商萬分無措急迫上

陳等語經外務部代奏光緒三十二年七月廿七日奉

旨岑春煊林紹年電奏動撥應解洋款辦賑等語著

戶部速議具奏欽此由軍機處片交到部臣等伏查該督

撫等所奏桂省辦理善後財政困難擬暫停解洋款一年

俾資動用是卽該撫林紹年前疏之語茲更以柳慶等屬

災歉著其窘迫情形具見相需之亟臣部已於覆奏摺內將廣西省應解新案賠款三十萬礙准停緩一年則此次挪撥洋款十萬兩自可於前數內動支毋庸另議惟該督岑春煊亦於廣東應解洋款撥銀二十萬兩辦理急賑此款是否由桂省撥還抑係廣東省自籌彌補總以不誤洋款解期爲要臣等竊惟近歲鎊價低落償款雖有餘存其事殊不足恃且本年提還匯豐銀行鎊虧借款約四百萬兩又提備鑄銀元專款四百萬兩源庫已無厚積故下新政雖有要需臣部均不敢輕爲移撥若以一時溝澮之盈而羣流因之俱壅將來涸轍立見咎其誰歸總之時局艱虞酌盈濟虛所望於封疆大吏瘡痍乍起固不能不急拊

循而外侮迭乘亦不可以通負愆期貽人口實所有廣東  
省應解新舊洋款並廣西省應解之匯豐鎊款英德俄法  
洋欸仍應一一照案報解毋得稍有延誤至該督撫以冒  
昧自請嚴議一節現時電政靈通朝發夕至非有不及待  
報之慮乃遽挪要款本應予以處分惟 朝廷軫念民  
依各省水旱偏災每一奏 聞無不 鴻施立沛該

督撫尙能仰體此意合無上懇 天恩從寬免其置議

所有 臣等遵 旨速議緣由謹附片覆陳伏乞

聖鑒謹 奏光緒三十二年八月初三日具奏奉

旨依議欽此



戶部謹

奏爲核覆清淮善後局第八十四次收支各款

恭摺仰祈

聖鑒事據署江北提督劉永慶奏清淮善

後局自光緒三十一年八月初一日起至三十二年正月

底止收支各款繕單奏報一摺光緒三十二年閏四月初

九日奉

硃批該部知道單併發欽此隨據該提督將

收支清冊咨送到部臣等督飭司員按冊勾稽謹逐款出

具案語恭呈

御覽

一舊管項下存銀一千八百十五

兩三錢七分三釐三毫六絲三忽三微錢一千五百九十

三千五百四十九文查與上屆實在數目相符 一新收

項下共銀六萬二千八十六兩五錢一分一釐六毫錢十

三萬八千一百七十二千六百八十三文內列收五河卡

淮北各岸鹽課銀三萬二千八十六兩五錢一分一釐六毫錢二萬二百十八千三百十八文應令轉飭即將動用何年之款專案報部以憑核對又收江蘇江西各糧道撥解銀三萬兩查與各該糧道額解數目相符又收淮揚通海各屬捐釐錢十一萬七千九百五十四千二百六十五文查係儘數收銷之款此次收數比上屆多收錢六千八百七十七千三百七十七文應令督飭認真稽查以維餉源又於前項收款內撥錢三萬一千五百九十九千文爲銀二萬三百兩應歸銀款入收計算外實收銀八萬二千三百八十六兩五錢一分一釐六毫錢十萬七千一百三千六百八十三文又除撥支江北高等學堂經費錢四千八百四十六千

五百四十五文南河工需銀五千兩錢二百八十五千八百文應歸各本案入造報外其餘銀錢各款應歸本案開除項下核辦 一開除項下本省漕標淮揚鎮標官兵鹽糧冊報守備月支鹽菜銀二兩四錢跟役六名馬四匹把總月支鹽菜銀一兩五錢跟役三名馬二匹外委月支鹽菜銀一兩五錢跟役二名馬一匹官員例馬每匹日支乾糧五分官並跟役各日支口糧米八合三勺折銀一分三釐兵丁每名日支口糧錢一百六十文自光緒三十一年八月起至三十二年正月月底止漕標一冊共請實銷庫平銀九十二兩八錢三毫一絲五忽錢四千五百三十一千二百文鎮標一冊共請實銷庫平銀八十二兩五錢九分

七釐五絲錢三千九百六十四千八百文等語查冊造本省漕標淮揚鎮標各營官弁支給鹽菜馬乾米折等項銀兩並勇丁口糧支給錢文核與軍需定例成案均屬相符應准開銷 一開除項下巡警軍冊報把總月支鹽菜銀一兩五錢跟役三名馬二匹官員例馬每匹日支乾銀五分並跟役各日支糧八合三勺折銀一分三釐兵丁每名日支口糧錢一百六十文自光緒三十一年八月起至三十二年正月月底止共請實銷庫平銀一百三十兩八錢五分九釐六毫四絲錢五千六百六十四千文等語查冊造巡警軍官弁支給鹽菜馬乾米折等項銀兩並兵丁口糧支給錢文覈與軍需定例成案均屬相符應准開銷 一